



05. januar 2017

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Katsorsaariaaseq pillugu Naalackersuisunut apeqquteqaat

- 1. Naalackersuisut peqquneqarput Skemamik sanaqqullugit, ukiut tallimat kingulliit katsorsaanerit namminersorlutik oqartussanit akilerneqarsimasunit, katsorsaanerit assigiinngitsuni katsorsartissimasut amerlassusaat, katsorsaaviit sorliit, akii aammalu iluatsilluassuserlu takussutissianngorlugit.**
- 2. Naalackersuisut Demokraatit isumaqatiginerlugit, katsorsartinniartumut katsorsaariaatsit assigiinngitsut neqeroorutigineqartariaqarnerinik, taamaasilluni katsorsartittussap pisariaqartitai tunaartaralugit katsorsartinneq ingerlanneqarsinnaanngorlugu? Akissut tunngavilersorneqassaaq.**
- 3. Naalackersuisut ilisimavaat katsorsaariaatsit sorlerpiaat atornerqarnersut Namminersorlutik Oqartussat akiligaannik katsorsartikkaangamik, suullu katsorsaariaatsit uani eqqartorneqarpat?**
- 4. Suut piunasaqaataappat katsorsaasutut imminut taagorsinnaannornissamut (suna ilinniagaq, pikkorissarneq il.il) qanorlu Naalackersuisut isumannaartarpaat, Namminersorlutik Oqartussat akiligaannik katsorsartittut ilinniarluarsimasumiik, ilisimasalimmiik, piginnaasaqartuniillu katsorsaasoqarnissaat, katsorsartinnissaallu?**
- 5. Paasisakka toqqammavigalugit, Peqqissarnermik Ilinniarfimmi Sammivik MNP-mi ilinniartut taakkuusut katsorsaaqataasussat nunatsinni? Una ilinniagaq/pikkorissarneq sapaatip akunneranik marlunnik takissusilimmik pikkorissarneruvoq. Naalackersuisut toqqissisimanartutut aarlerinannngitsutullu isigivaat, atornerluisut katsorsartinniartut katsorsaasoqarnissaat, taamak sivikitsigisumik/naatsigisumik pikkorissarsimasunut?**
- 6. Naalackersuisut sammisamut tunngasunik allanik paasisutissiisinnaanerluni?**
(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Ajoraluartumik suli atornerluinerit assigiinngitsut suli nunatsinni ajornartorsiutigaaqut, pitsaanusumut ingerlagalualuta. Pitsaasuvoq katsorsartinnissamut neqerooruteqarsinnaagatta, kisiannili eqqaamassarput inuit tamatta assigiinnginnatta, taamaattumillu aamma katsorsaariaatsit assigiinngitsut pisariaqartissinnaasaratsigit. Inummiit inummut assigiinngillat.



Katsorsaanerit maannamut ingerlasut ungataaniit takullugit misiginarpoq eqaatsumik ingerlanneqanngitsut katsorsaariaatsit eqqarsaatigigaanni, namminersorlutik oqartussanik aningaasalerneqarsimasuni.

Demokraatit takorusukkaluarpaat ullumikkut inuk atornerluinermik ajornartorsiutilik katsorsaariaatsit assigiinngitsuni aalajangersimasumik killilikkamik aalajangeeqataasinnaangornissaa. Inummummi ataatsimut iluaqutaasoq qularnaaqqanngilaq inummut allamut aamma iluaqutaanissaa.

Uanimi immikoortumi inuiaqatigiit kiffaanngissuseqarneralutik liberaliunerusumik periarfissaqarnerulernissaat pisariaqarpoq.

Takusinnaasagut najoqqutaralugit paasivarput katsorsaasoqarsinnaasoq sapaatip akunneri marluk pikkorissareersimatilluni, ilaatigullu inuit eqqarsartaatsikkut ajornartorsiortut katsorsartartussaallugit - ilumut sapaatip akunneri marluk naammappat? Ilumut pitsaassuaa naammappa? Inuit katsorsagassat ikiussallugit ilumut naammappa? Toqqissisimanarpa katsorsagassaalluni, katsorsartissalluni sapaatip akunneri marluk pikkorissarsimasumut katsorsartissalluni?
Pisussaaffeqarpugut katsorsaariaatsit iluaqutaasut atussallugit, katsorsaariaatsillu pitsaassusaat ikiortarialinnut naleqquttuunissaat, ikiortariallit ingerlaqqinnissaminnut sakkussaqaarnissaat pisariaqarmat.

Apeqqutit ullut qulit suliffiusut iluanni akineqareersimanissaat kissaatigineqarpoq.